

Broj: 101-1075/18
Datum: 19.07.2018.

Na osnovu člana 50. Statuta Radiotelevizije Bosne i Hercegovine, člana 70. stav (1), (2) i (3), člana 71. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj 39/2014) i člana 200. Zakona o upravnom postupku Federacije Bosne i Hercegovine ("Službene novine Federacije BiH broj 2/98), a na prijedlog Komisije za javne nabavke ugovornog organa Radiotelevizije Bosne i Hercegovine, donosim

O D L U K U

kojom se Odluka o izboru najpovoljnijeg ponuđača br. 101-530/18 od 18.04.2018. godine za nabavku usluga osiguranja nove satelitske i mrežne opreme neophodne u implementaciji EBU projekta FNRMN u vlasništvu ugovornog organa Radiotelevizije Bosne i Hercegovine na period od 3 (tri) godine po Lotu 2 **PONIŠTAVA** i kojom je za najpovoljnijeg ponuđača izabran ponuđač **ASA Osiguranje d.d. iz Sarajeva**.

O b r a z l o ž e n j e

Na temelju Odluke generalnog direktora ugovornog organa Radiotelevizije Bosne i Hercegovine br. 101-247/18 od 05.03.2018. godine Komisija za javne nabavke je pokrenula proceduru po otvorenom postupku nabavke za dostavljanje ponuda koji za predmet nabavke ima *nabavku usluga osiguranja nove satelitske i mrežne opreme neophodne u implementaciji EBU projekta FNRMN u vlasništvu ugovornog organa Radiotelevizije Bosne i Hercegovine na period od 3 (tri) godine po Lotu 2*.

Na predmetni postupak nabavke, objavljen 07.03.2018. godine pod brojem 113-1-2-22-3-23/18 na web portalu elektronskih javnih nabavki www.ejn.gov.ba, kao i u „Službenom glasniku BiH“ br. 16/2018 od 09.03.2018. godine, a u skladu sa članom 25. Zakona o javnim nabavkama Bosne i Hercegovine, ponude su dostavila 4 (četiri) ponuđača i to:

• ADRIATIC Osiguranje d.d. – Sarajevo	KM 557,35
• SARAJEVO Osiguranje d.d. – Sarajevo	KM 3.774,78
• TRIGLAV Osiguranje d.d. – Sarajevo	KM 5.368,50
• ASA Osiguranje d.d. – Sarajevo	KM 3.037,41

Provjerom primljenih ponuda Komisija je ustanovila da su ponude ponuđača **SARAJEVO Osiguranje**, **TRIGLAV Osiguranje** i **ASA Osiguranje** u potpunosti validne, u skladu sa Zakonom o javnim nabavkama Bosne i Hercegovine i zahtjevima ugovornog organa navedenim u tenderskoj dokumentaciji, pa su kvalificirane za učešće u postupku e-aukcije. Također, Komisija je iz postupka e-aukcije eliminirala ponuđača **ADRIATIC Osiguranje**, jer je ustanovila da je njegova ponuda neprihvatljiva iz razloga detaljno navedenih u Izvještaju Komisije za javne nabavke.

Nakon provedene e-aukcije za najpovoljnijeg ponuđača po ovom predmetu nabavke izabran je ponuđač **SARAJEVO Osiguranje d.d. iz Sarajeva** sa konačnom cijenom od **KM 3.034,00**.

Ponudač **TRIGLAV Osiguranje** je kod ugovornog organa izvršio uvid u primljene ponude i uložio je **Žalbu br. 08-5666/18 od 23.04.2018. godine** na Odluku o izboru najpovoljnijeg ponuđača. Ugovorni organ Žalbu je ocijenio kao neosnovanu i potrebnu dokumentaciju, zajedno sa izjašnjenjem na navode žalbe, u skladu sa članom 100. stav (5) Zakona o javnim nabavkama Bosne i Hercegovine proslijedio na Rješavanje Uredu za razmatranje žalbi Bosne i Hercegovine.

Svojim **Rješenjem br. JN2-01-07-1-224-7/18 od 02.07.2018. godine** URŽ je žalbu ponuđača **TRIGLAV Osiguranje** usvojio i naložio ugovornom organu da poništi predmetnu Odluku kojom je za najpovoljnijeg ponuđača izabran ponuđač **SARAJEVO Osiguranje**, te vratio ugovornom organu predmet na ponovni postupak.

Revidiranim Izvještajem Komisija je utvrdila određene propuste u izboru najpovoljnije ponude, što je rezultiralo eliminacijom ponude ponuđača **SARAJEVO Osiguranje** iz postupka kao nevalidne, te je, nakon konsultacija sa Agencijom za javne nabavke Bosne i Hercegovine, preporučila da se za novog najuspješnijeg ponuđača proglasi drugorangirani ponuđač iz Izvještaja o toku i završetku e-aukcije, a to je ponuđač **ASA Osiguranje d.d. iz Sarajeva** sa konačnom cijenom od **KM 3.037,41**.

Nakon svega navedenog, a uzimajući u obzir priloženi Izvještaj o toku i završetku e-aukcije i revidirani Izvještaj Komisije za javne nabavke, koji predstavljaju sastavni dio ove Odluke, te činjenicu da se dodjela ugovora, sukladno članu 64. stav (1) tačka b) ZJN, zasniva isključivo na najnižoj cijeni tehnički zadovoljavajuće ponude, ugovorni organ Radiotelevizija Bosne i Hercegovine odlučio je kao u dispozitivu ove Odluke

Pouka o pravnom lijeku

Protiv ove Odluke dopuštena je Žalba ugovornom organu, kao prvostepenoj instanci u postupku, u roku od 10 dana od dana prijema iste u pisanoj formi, a u skladu sa članom 101. stav (1) tačka d) Zakona o javnim nabavkama Bosne i Hercegovine.

Saglasan:



Generalni direktor BHRT-a
Belmin Karamehmedović

Dostaviti:

- ADRIATIC Osiguranje d.d. – Sarajevo
- SARAJEVO Osiguranje d.d. – Sarajevo
- TRIGLAV Osiguranje d.d. – Sarajevo
- ASA Osiguranje d.d. – Sarajevo
- Arhiva